

奉化縣志卷四

知縣

汶上曹

膏

重修

含山唐宇霖

安慶桐城陳

琦編輯

教諭錢塘汪文濠校正

建置志

畫疆分壤設險以守全藉金湯至於官有居民
有市沿海設堠規畫必詳凡以固吾圉也他如
建橋梁修館舍置郵遞凡所以濟生民澤枯骨

奉化縣志

卷之四

建置志

城垣

一

者雖修廢因乎時而制作可考公私異其事而
營建則同次第脩造企予望之志建置

城垣

易曰重門擊柝以待暴客蓋設城衛民其來舊
矣奉邑在春秋時為越東鄙地秦置鄞縣城舊
在白杜里即今廣福寺也自唐因山名縣徙建
今址襟帶山川乘高阨險實作郡邑之屏翰豈
得謂之小且陋哉雖無形之金湯全恃衆志然
為

聖天子重生靈嚴守衛則慎啓閉謹防禦不可不時
加意也

舊志按圖經縣城周環六百四十八丈今莫詳
其處然縣西有城西魯之名疑其址與縣治近
明洪武初改州爲縣在今址舊有城後廢嘉靖
中倭夷入寇縣令蕭萬斛築爲城延袤一千一
十八丈高二丈四尺城之門四設二水門於東
西其西北舊城從山圍遶○明張時徹城垣碑
記奉化縣故爲鄞地隸會稽郡隋併鄞入句章

奉化縣志

卷之四

建置志

城垣

二

置鄞州唐改鄞縣開元中析置奉化縣屬明州
歷代因之元貞元初陞爲州國朝洪武二年復
改爲縣去郡治八十里爲鄉八爲區十有四屬
都五十二編戶一百四十六里東北界于鄞南
界甯海西北界嵗縣又東南界于象山西南界
于甯海依山爲邑不城不隍自開國以來蓋百
八十餘年于茲矣值時方隆熙刁斗不警卽有
小偷縣官出片紙捕治之無不帖帖伏于法雖
性易抵冒好鬪訟然皆狎于耕桑守在四境斬

關走壙之盜獲如也歲豐時和則尤不夜吠外
戶不扃以故計謀樹畫之吏非乏也而未始議
城事嘉靖壬子倭寇蟻聚內侵大掠于黃巖自
是破都攻邑殆無虛日遠近播遷弗適有屠而
奉化四封則故濱海也縣令蕭君顓眾而議曰
夫令長之設以爲民也民存與存民亡與亡今
寇患孔棘宵晝弗虞郊鄙之民猶得偵緩急竄
匿榛莽丐一旦之命維茲市廛固籠中禽耳且
又賊所垂涎也若頓兵四隅魚麗而進卽貲貨

奉化縣志

卷之四

建置志

城垣

三

婦女可盡虜也况薨棟鱗次持一炬灼之卽瞬
息燼矣令興寐所爲惕若不能挽強挺銳與賊
爭尺寸之鋒計惟成城以守耳汝衆謂何諸士
庶稽首曰非父母恩德不及此敢不惟命蕭君
乃悉從父老而景相之四面率以舊郭門爲界
面皆置門門有譙樓橫縮共一千一十八丈有
奇約費金一萬二千三百五十兩有奇合用築
戶三百七十三名乃上其事于當道曰時詘舉
羸自昔忌之今郡邑多事藏無殫畜罔所取財

若借徵本邑常徭而均役其力庶幾說以使民者乎其科算程督則不肖令身肩之有所不恪謹死無悔已乃得請于朝筮日興事始末經費較若畫一君乃時時行作者而拊循之衆罔弗力工肇于乙卯正月五日迄于是年十二月六日雉堞連雲崇墉刺日屹若金湯之固由是賊凡三過其縣仰而睇之旌旗戈戟徧于樓櫓輒辟易以走蒸黎得保生聚靡有蕩析凡皆成城之功也諸士庶謂邑之大事不可無紀而藤丞

奉化縣志

卷之四

建置志

城垣

四

嚴君偲請謁于余余乃言曰予嘗誦古人言而知聖人憂民之遠也其曰守在四夷曰在德不在險則方行仁義修明教化于以殿邦保民不啻足矣而又曰設險守國重門禦暴斯又何也蓋舞羽格苗修文致雉奚險之憑然而復隍之虞苞桑之戒聖哲所爲諄諄焉要之防水未決保邦未危其道則然耳又况倭寇縱橫烽燧交錯者乎故求吏治于今日惟防禦爲急而催科聽斷不與焉諸當道軫念時艱蕭君乃祗承德

意作我長城所謂能捍大患者非耶夫甘棠遺
芟峴山崇碑恩德于民遐矣且猶旦暮思之而
况保衛室家永不替者乎是孰能忘之斯舉
也首議則監察林君應箕定議則巡撫王公忬
胡公宗憲監察趙君炳然課督則叅議許君東
望知府邱君玳張君正和而知縣蕭萬斛則終
始力任其事其士民佐役者併列之碑陰銘曰
皇皇赤縣井井周衢生斯聚斯萬民所都夷寇
蜂屯宵旦靡虞誰其城之監撫諸司誰其司之

奉化縣志

卷之四

建置志

城垣

五

令尹大夫伊何云役都鄙蒸黎如穀斯抹如嫗
斯煦匪棘其欲市也來趨樓櫓翼翼崇墉屹如
寇用震駭有疾其驅草木弗薙井竈弗墟十百
千襪永奠厥居其不然者爲醢爲菹孰是不監
孰是不思金石可變功德摩渝謂予不信視此
豐碑時嘉靖三十五年歲次丙辰春二月朔
萬曆間城中多火患令樊穀因士民之請移築
山下其南門麗縣治正南順治初令蔡周輔信
堪輿家言塞舊南門移東四十餘丈又增築甕

城堂局修整順治間白寇作崇戊戌令王奐增雉堞厚二尺高四尺扁城之東門曰太乙西曰金嶂南曰薰時北曰拱極頻年多故追論改築南門之咎康熙十二年令曹鼎臣改今址仍舊制也甲子夏南城門災各門樓俱圯丙寅令施公勦曾建修四門修築雉堞

府志奉化城後據錦屏前依玉几左臨大澤右傍鳳山距郡南八十里高一丈四尺址廣一丈二尺面廣一丈周圍一千一十八丈延袤七里

奉化縣志

卷之四

建置志

城垣

六

闕爲四門東曰迎恩西曰順成南曰貞明北曰起鳳門各有樓穴水門於西爲上水門於東爲下水門城之上有雉堞外自東南臨龍溪以西爲文昌溪北抵陵谷俱不設濠舊未有城明嘉靖壬子倭寇猖獗知縣蕭萬斛始城之

國朝

順治四年知縣蔡周輔塞舊南門開新南門於縣治之東南十五年知縣王奐增築城堞厚二尺高四尺康熙十三年令曹鼎臣遷南門於舊址後漸頽圯雍正七年知縣王緯奉文修築併

建城樓

縣治

舊志縣治在三鄉之會東南為坊隅隸奉化鄉西為四都隸連山北為三十九都隸禽孝鄉印聳官山溪襟蛇腹其大勢也縣門曰宣明左曰新民右曰止善二亭俱廢之南為宣化坊即尚坊又南為杜家橋又二百步為南門洗馬橋縣西為探花坊錦街三百步為廟橋城隍廟西門縣東百步折而北五十步為察院司澄清坊今又百

奉化縣志

卷之四

建置志

縣治

七

步為北門東為儒學學東為公館橋今為文折而北為告成寺為連山驛址又折而東為布政按察二分司今廢又東三百步為資福廟為東門蓋因倭變築城規制甚隘區方五里縣署之外有儒學有三公署一驛址及二祠二廟一寺戶不過二千東南有田若干畝城居四民詩書絃誦稍知禮法雀鼠之風與他鄉不同敦厲成俗是在長民

府志縣治舊在縣東鄞城山白杜里唐開元二

十六年改縣爲奉化遷治疑在此時宋建炎兵燬紹興間令榮彝重建元至正十三年復燬於兵令王宗信復建二十八年令丁濟拓大之
王應麟記越之東境爲鄞漢屬會稽唐合鄞于鄞開元中州以四明山各始建縣曰奉化其地則漢之鄞也古鄞城在焉鄞有大里黃公列于四皓卓乎千載人物之冠冕先賢流風所被其俗純如其土份如在九域志是爲望縣迪簡墨綬長吏保綏受命民非才足以撥煩廉足以砥

奉化縣志

卷之四

建置志

縣治

八

俗仁足以摩撫疲瘵不輕以百里界也縣治燬于丙子師旅饑饉相仍道馳蒿萊黎民困頓令長迫期會急繭絲慮弗及遠王尹宗信僅克剏廳事三楹李尹天益纔繕吏舍襄賁丁君濟宰茲邑維武城之室單父之堂所以疏視淪聽清應物之原若昔董安于治晉陽一牆之柱猶不苟匪賁輪奐以爲華壯軒宇以自奉也爰契我龜經之營之任城王君澤爲丞比善協志而新是謀邑士大夫咸勸趨之庶工丕作民不知勞

始事辛卯之冬考成壬辰之秋丁君以書來曰
一日必葺古有明訓百堵皆興詩人咏焉廳事
東西吾名以節愛清安兩廡翼焉各以一清四
畏堂曰得初以息以燕亭曰清斯有沼有荷挹
爽西山扁以高濤殖殖其楹轆轤其門胥史攸
處下逮園扉粲然一新曷敢視官舍爲遽傳而
怠厥事願諭後之人俾勿壞余病髦不能文嘗
謂君子爲政其本自相在爾室始千室之邑易
治也一室之自治爲難程子之視民如傷張子

奉化縣志

卷之四

建置志

縣治

九

之訓民善俗以一邑爲天下之式其本焉在惟
暗室之不欺而已巖谷深窈欲其疾痛必聞如
接几席胥徒囂悍欲其隱微必察如在戶庭堂
上之一笑嚬堂下之萬体戚係焉若保赤子心
誠求之惟是心達于政蒲密中牟之化可復也
詩曰無已太康職思其居然則居此室可不敬
輿聞丁君律已守公愛民束吏日涖庠序惠訓
不倦多士訢訢誦子產之誨我子弟是能知本
矣耆壽俊相與言曰茲不可不書乃不敢固辭

書以詔永久用勉夫字民者○元貞元年改建
州皇慶壬子達魯花赤木八刺重建○陳觀記
奉化于明爲望山海風物之殊衣冠闕閱之盛
自爲縣時前人紀述備矣然土瘠而民儉食于
耕地阻而四方不甚通于貨治者雖爲其難而
亦存乎其人比年民數登進爲州官吏品秩以
次俱升獨涖事所因循猶舊歲久漸勿支皇慶
壬子達魯花赤木八刺公之來顧而歎曰縣之
爲州雖征賦所不增土地所不闢而今之視昔

奉化縣志

卷之四

建置志

縣治

十

難以概論司存不壯麗難以示觀瞻旣而耆年
士民不謀同辭乃審諸同僚上之統府上下胥
悅鳩堅蒐良凡木植之可致者必厚直以事屋
廬之願售者必倍價以償工匠之勞夫丁之募
皆日有給始于癸丑三月爲廳爲軒爲佐幕爲
賓榮畫諾有堂晏息有室不日皆成譙門吏廡
犴狴垣墉次第具舉體制宏敞輪奐翬飛儼然
千里之郡矣邦人欲頌公之德紀公之績舍儒
者其誰與余不獲辭竊謂天下之事有志者竟

成而事有非一朝一夕之可集亦非一手一足之能爲其事豈易易惟公于民得之也有素使之也有道平時律已嚴持心恕牘不輕署卒不輕發不施鞭而賦自辦不假筮而辭自服兩造在庭事輕者釋之以理使不戾其和氣重者得其情而勿喜凡此皆所以作其遜讓之風道其君子長者之歸故是役也人之趨之如子弟之從其父兄聞者樂于勸役者忘其勞猗與美哉今之仕也耳目聰明不能周于簿書期會何暇

奉化縣志

卷之四

建置志

縣治

十一

他及亦有苟焉歲月視爲傳舍不能一日葺甯有不愧于公若公之材試于一州者特出其緒餘吾知其去是而黼黻帝室柱石明堂有非此邦之士民所得私者矣同寅協恭實相斯舉敬書于石○明洪武初圮令章彥淳郭麟相繼修復永樂間令裴琚又修成化間令曹瀾崇禎間令胡夢泰皆加葺治

國朝康熙間令蔡毓秀張起貴黃霽亦補修之

正廳三間

舊名忠愛堂今名親民堂
康熙年間圮令鄭懷重建

正廳左為軍器庫今改作米廩又左為幕廳今

正廳右為儀仗庫又右為西廳久

正廳東西列曹吏房科各十二間東承發吏戶糧禮架閣西備堂兵刑

工舊圯康熙間令蔡毓秀重建雍正三年令黃霽修乾隆二十二年令陳九霄重修

正廳西南為獄禁五獄北為存留預備二倉今廢

正廳前為箴石亭在中道上亭前為儀門二間久圯雍正三年

令黃霽重建左右從屋各二間久

儀門外東西列榜廊各十五間久

正廳南為鼓樓○各具瞻樓又各宣明樓即縣

奉化縣志

卷之四

建置志

縣治

十三

大門初築土為臺置屋始于宋令婁紹聘制卑狹元知州周仲厚更為石臺建屋五間置漏鼓以警晨昏下設二門以司啓閉扁曰宣明延祐間壞知州馬稱德重建事載國史院編修劉致一記永樂中令裴居重修事見陳協和王景才二記成化中令曹瀾丞謝啓重建嘉靖中令陳縞修設鐘于上又令錢璠始創樓三間萬曆間令賴愈秀重修崇禎間令胡夢泰重修康熙二十二年廢令張起貴重建乾隆二十五年令陳

滋重修陳協和宣明樓記譙樓之建舊矣凡府州縣儀門外更設重門而立焉蓋所以壯威儀備登覽置壺漏以定時刻鳴鼓角以警晨昏也奉化舊爲州譙樓扁曰宣明樓先時之興廢漫不可考以今樓觀之建於元至正丁亥六月知州周公坤厚始築土爲臺疊石障之中空以通出入樓三間跨其上而兩廈翼焉自至正丁亥至今聖天子永樂癸巳已六十八年矣昔之薨棟簷宇窗戶欄楹與夫上下四旁節稅之華丹

奉化縣志

卷之四

建置志

縣治

三

獲之飾咸爲風雨飄灑蟲蟻蝕兩廈先以崩墜正樓三間薨棟簷宇剝落摧毀窗戶欄楹十去七八惟數楹頽然仄立下以巨木強扶之仰漏日星俯積瓦礫威儀不稱登覽不樂司壺漏鼓角者無所安棲往來於其下者有傾壓之懼縣令邯鄲裴公仲玉視之曰此非吾之職乎然民不可擅動將若之何迺特捐已俸以市材僦工於是郡吏樂從之旣而有好善能成人之美者李無用率其徒出而贊焉民之有山者助以

木有丁者助以力陶人助瓦梓人助工柱之仄立者正之崩墜者補之薨棟簷宇剝落摧毀者易之窗戶欄楹去無存者新之上下四旁節稅之華丹蘄之飾雕斲塗墍煥然新而奇偉宏麗加於往昔謂威儀邑治爲之益肅謂登覽溪山爲之益勝壺漏明準鼓角清嚴司之者各安其棲往來於其下者欣欣然咸曰非吾縣令裴公用心之勤能若是耶工始於是年五月乙卯訖於七月壬辰公迺會縣丞鄱陽李公善主簿洛

奉化縣志

卷之四

建置志

縣治

古

陽康公甯暨諸屬官羣吏及耆儒舉酒而落之以余仕而歸老林泉亦與在席酒行縣丞李公屬余曰茲樓之役縣令裴公用心之勤若是豈可以無記願有述余惟天下之事由賢者而興愚者而廢廢而復繼興之可以無愧于前賢矣裴公質直和易恭勤周慎敦尚儒術敬老重賢爲令於奉川今十年修孔子廟奏築沿海圩岸不使潮汐壞田導斗門鄭家堰河以通連山驛舟與夫鹽糧易鈔夏絲收麥等十餘事及天旱

禱雨有應褒善良去奸慝凡便民之政靡能具述昔宋張忠定公守金陵范延賞爲殿直過之忠定公問於途見何好官延賞對以至萍鄉縣見市肆整肅夜聞更漏分明邑宰張希顏雖不識面可以知其爲好官也厥後忠定公舉而用之况裴公重修其樓而兼有美政之多者乎他日不惟有若忠定公者舉之朝廷必將考績而陞擢之也余於縣丞李公之言不敢拒遂書其實以置之樓上時永樂十一年歲在癸巳秋九

奉化縣志

卷之四

建置志

縣治

圭

月吉日記

鼓樓北右爲賓館左爲旌善亭

舊名宣詔亭

右爲申明

亭

舊名班春亭俱久圯

正廳後吏舍三十間

圯今

又後爲又新堂○嘉靖

三十六年令蕭萬斛重建乾隆六年令李從龍重修更名翼翼堂項守禮又新堂記侯軒蕭侯令吾邑之八年政熙民和百廢具舉旣迺振邑治後堂之圯而新之材石磚甃之類捐自俸資力征于民經始于仲秋落成于孟冬凡四閱月

而大功竣扁其堂曰又新朝夕退食于茲蓮幕
方子徵記于減峯子升其堂而視之見形勢嚴
整棟宇軒翔中爲燕食所左以貯錢帛右以寶
聖駕迺嘆曰茲堂之制又一新矣侯作而曰又
新之義如斯而已乎願乞一言以爲燕食規減
峯子曰善哉侯之問也夫君子之仕也上以事
君曰忠而已矣下以臨民曰愛而已矣是忠與
愛也非自外至也天命之性也吾心之德也虛
靈不昧塗人至于聖人一也體之于己謂之明

奉化縣志

卷之四

建置志

縣治

六

德施之于人謂之新民特在不爲舊染所污而
已舊染不污則清明常在厥躬而忠君愛民之
念時出而無滯日新而不窮古之人兢兢業業
克勤克儉不邇不殖亦臨亦保率是道也此又
新之規也我侯其進于是矣乎侯江右英俊也
其心忠君愛民之心也其所學明德新民之學
也出而令吾邑也政之弊者更之民之强者勸
之歷久而弗懈吏民莫不日仰其煥然一新也
及其退食于茲堂也其心翼翼然惟恐其不及

也左顧錢帛之藏而嘆曰是腴民之膏脂以實之也吾之出納也非一日矣得無有濫用以汚吾之愛者乎右仰聖駕之藏而歎曰是明天子之法象所在也吾之瞻拜也非一日矣得無有倦勤以汚吾之忠者乎推是心也是無終食之間違忠與愛也立則參前在輿則倚衡而施之政事之間炳炳乎精明之流行而意必固我之私不得以浼之由是而無倦焉性定而德立恆久而不已以之裁成天地以之輔相萬物胥此

奉化縣志

卷之四

建置志

縣治

七

焉措之是之謂無負明德新民之實學而所謂又新者將無待于堂而得之矣邑之人士仰侯之成功文章譬諸入明堂清廟之中見其重門層閣千圓萬方華采炫燿而不知所以創造之者規矩之外無他術也我侯又新之學其操規矩以出方圓者乎使嗣是而令者居斯堂也將必竦然動心愛護而時緝之又新之功永永不墜又孰有出于我侯規矩之外者乎侯拜而謝曰命之矣敢不佩服以爲燕食規爰記其事于

石以贊屋漏以詔來者侯名萬斛字時應別號
侯軒吉之泰和人登嘉靖庚戌進士時嘉靖三
十六年丁巳孟冬吉日

又新堂左為耳房庫右為黃冊庫左右翼房各
三間

又新堂之後正北為知縣宅

東北為縣丞宅

久圯康熙間縣丞何鍾重建

南為典史宅

久圯故為倉

西北為主簿宅

今裁

奉化縣志

卷之四

建置志

縣治

六

街市

按舊志元時縣為州其治與市廛相隔無絡繹
聯附之勢至元丙子燬民多星居如村落然草
莽連亘麋鹿交驚未暮愁虎狼延祐六年知州
馬稱德募民拓基創屋一千二百餘間薨棟烟
火相續商賈爭趨民樂其業州治為之一盛至
元末復燬入明民物漸阜然成化以前近縣治
者地多空棄而荆榛草莽未能盡剷宏治以來
民居日廣而廛市幾倍於前矣迨嘉靖間城郭

既成縣治以整市廛稠密

鼎革以來山海多故順治庚寅山寇臨城附城邸舍頓爲瓦礫之場今昔殊觀又調防山東兵一千俱攜婦女老幼薦居奉城九年撤我牆屋日中之會亦罷又盛衰之一變也今

國家承平日久海陸輯臻頓復宏治舊規矣

街

縣街 由宣化坊嘉會橋至周南廟

東街 由新民坊至慶登橋

奉化縣志

卷之四

建置志

街市

十九

西街 由上善坊至城隍廟

北街 由澄清坊至文昌橋

通和街 學東之南

忠嘉街 學東之北

五馬街 縣南五里爲知州謝瀛立順治間毀

星月街 在鮎埼巡檢司前長三里俱石板爲

之中有暈或白或黃或紫大小全半歷歷可數

每驟雨初過夜色澄徹滿街星月若可掬因各

然不詳其始也

市

奉化市 縣東隅舊連山驛監酒稅務在焉縣之巨鎮也東有東郭橋西有西郭橋南有登陸亭北有百丈街驛道至迎恩亭市跨惠政橋中有旗亭曰鎮東樓驛與務皆居其北見宋志今自橋以東謂東市橋西謂西市每一六日日集四方貨賄貿遷于此 南渡市

泉口市

袁村市

公棠市

見永樂志

奉化縣志

卷之四

建置志

街市

三

縣前市

乾隆三十四年設

尚田市

縣南十里

江口市

縣北二十五里

坊橋市

縣北四十里

蔡橋市

縣東二十五里

居敬橋市

縣東二十里

曙陽橋市

俗呼為畫鵲衙橋市

溪口市

縣西三十五里

山隍橋市

縣東北二十五里

斗門橋市

縣東北四十里

葦湖市

鮎埼市

白杜市

吳家埠市

廟山市

棠溪市

亭下市

縣西南五十里卽晦亭

大埠頭市

巡堠

從來策海者欲靖之外洋必防之近岸所謂不恃其不來恃我有以待之也奉邑東南濱海

國朝初年寇氛時警舟山餘孽潛泊懸山乘潮出

奉化縣志

卷之四

建置志

巡堠

廿一

沒侵我疆圉自順治十八年遣沿海邊民築臺瞭望烽火相聯度地設兵斥堠傳哨星羅棋列備禦周矣今海氛久靖而戶牖之防不容少懈但洋艘自鹿頸入裏港其咽喉之要在湖頭渡口緊對懸山故舊制于松輿設巡檢司領弓兵築城守禦扼吭拊背計誠善也今誠設哨船于斯水陸聯營各堠烽火相應在洋則以舟師相敵登岸則用陸兵追躡賊入裏港卽釜底游魚矣此久安長治之策也

汎地十

有淡溪湖
向設渡

湖頭渡 海面一十里南象山界北奉界有塔山
司城一所係奉邑第一要害康熙十四年開渡
設哨舡離縣一百二十里離馬頭三十里

馬頭 在湖頭渡內有石燕港在山外瞭望不及
賊踪停泊舊于陶坑設木寨一防兵五十王家
麻車設木寨一防兵三十離縣九十里離求村
一十里

求村 城寨一座離十廟磳一十里過象山海面
奉化縣志

卷之四

建置志

巡塘

三

三十里舊于十字塘設木寨離應家棚十里離
縣八十里

應家棚 亦要口隔山有鹿頸懸山賊踪停泊有
寨城一設兵防守離河泊所一十里離縣七十
里

河泊所 有老岸洪山逼近鉄局懸山舊有木城
一防兵二百亦要口離棲鳳一十五里離縣六
十里

桐照灘頭 逼臨海洋舊有木寨一防兵一百亦

要口離河泊所五里離縣六十里

棲鳳 逼近蜃門賊踪出沒要口舊有防兵五十

離桐照二十里離縣六十里

吳家埠 與蜃門對面有寨城一所舊設兵防守

離棲鳳一十里離縣六十里

鮎埼 有塘頭礮口子舊有防兵二十離吳家埠

二十里離縣五十里

連山驛 甯海交界有防兵離鮎埼一十里離縣

五十里

奉化縣志

卷之四

建置志

巡墪

三

楊村 離縣七十里有木寨今圯

寨地二所

求村寨 吳家埠寨

應家棚寨

俱有防兵順治十八年設

塔山司城一所 卽湖頭渡口袁大誠新置湖頭

巡司碑記我朝令甲沿海置衛所鎮兵以耀威

懾遠其關津阨隘俱設巡司以偵幾摘伏蓋控

百夷固封守制之良也奉川無土著之兵四封

之外益嚴巡守其塔山鮎埼故設也其湖頭司

今奉令蕭侯新建也噫茲侯之慮事豫衛民切

若有戚於中而亟亟以圖之者乎夫奉故樂地也始海上止閩盜潛行邑治尙熙晏也嘉靖己酉侯下車輒瞿然曰易示其亡書嚴有備邑無城郭之固豈王公設險之防乎先時遞設倭舖一十四座第守土者恬于亨嘉俱曼漶視爲一切侯迺修圯振廢仍更置其不便瞭者益選丁壯制器械以守遇警則又發民兵以翼之昔所資哨守者悉雷動而焱舉矣壬子倭突犯應家棚候督義士汪較率弩手數十人禦之賊被矢

奉化縣志

卷之四

建置志

巡緝

齒

傷遁去較亦陣亡侯又愕然以懼曰防阨未得其要如賊深入何况夷心叵測卽一制勝庸知不復熾乎遂周視海壖惟湖頭尤爲當守蓋奉川三面阻山陸之固惟東南則枕海焉間海盜欲入奉川者必自湖頭是湖頭豈惟鄞與象山甯海之要衝實奉川腹心所繫弛襟喉之防而欲綏腹心之儆非策之全也雖舊設有塙山巡司距湖頭凡十里許在今日誠無濟緩急迺建議遷于湖頭挈內港各司兵咸造十漿飛船併

力以守邑內司曰鮎埼塔山各造舟二挈兵八十六名分居之麗象山曰爵溪造舟一居兵二十六名麗甯海曰鐵場造舟二分居兵八十六名統以塔山司官咸艤舟于湖頭之涯以探之則遠不蔽以守之則近不疎以剿捕而掎角之則出之從容不病于潰糺而無制矣又議建山海公署一所中堂東西兩房以居官兩楹各卜二間以宿兵置石城一座惟南面設門上置更樓以警晨昏之節木工之費約七十餘金其城

奉化縣志

卷之四

建置志

巡墟

壹

則取力于海濱之民計定乃疏決于都御史思質王公巡按御史趙公海道副使同野李公分守參議許公分巡僉事北坡余公咸嘉可之以甲寅二月始工時縣幕史莆田方望督海務遂以視工越七月報成焉夫時然後動則力舒而財不糜信而後勞民日子來而樂觀厥成豈惟奉川弭東南之憂卽象甯二縣亦恃有安枕之庇由是濱海士庶獲適寢處謂候之功不可無紀國子生汪薦請言于余因作而歎曰茲非候

之所以樹不朽者乎侯夙負不羣乃今展采措
事俱務爲瑰瑋卓絕之行廉足以貞俗仁足以
止暴靜足以鎮浮斷足以熙載明足以晰微義
足以植善諸所擘畫視義可否卽牴牾訾毀俱
不暇卹蓋稽謀煜雪慮切民艱直以康濟天下
爲己任矧規爲防邑詎肯愒然昔見涖于明者
借寇以除害卒貽門庭之憂按兵以縱逋馴到
金陵之擾與侯不大逕庭哉宋王荆公爲鄞令
築塘捍海今猶憑之侯湖頭之設保障益嚴迺
知荆公之業始于勾東蕭侯之勳基于奉化不
亦曠數百載而相媲美者哉侯名萬斛字時應
江西泰和人由鄉進士任職已十年于茲惠澤
洽布頌聲交流采風者當自得之嘉靖三十七
年歲次戊午仲夏穀旦

連山驛屋一所

有城守兵四十名俱舊設

臺一十五所

珊瑚臺

新驛

鮎埼臺

跳頭臺

茅嶼

棲鳳臺

塘頭

糞臺灣

蜃門

黃賢臺

馬頭臺

屏鳳山

陶坑

奉化縣志

卷之四

建置志

巡城

其

桐照臺

應家棚臺

礁頭山

石盆

塔頭山

松巖

港口山臺

塔山司對門臺下有蜂腰懸山賊駐之處

長嶺臺

足頭臺

鄞縣羅浦交界

兵制

順治二年六月奉邑始隸版圖而寇警未靖其設兵甚多自後

國家德威遠播海隅綏甯所設之兵漸行遣撥謹詳於左

康熙八年以前汛兵

分防楊村地方兵一百名統領官千總一員

分防吳家埠地方兵五十名

分防松巖地方兵五十名

奉化縣志

卷之四

建置志

巡墾

七

分防湖頭渡北岸兵二百名統領官守備一員把

總一員

有哨船十隻

瞭守足頭山臺長嶺山臺二處每處守兵五名

以上官軍皆從提督前營調遣

分防各汛地兵二百名統領官千總一員哨船十

隻每船舵手十五名佛狼機一具百子銃四具

子炮百箇

分防屏峯山臺兵五名行營炮三具

以上官軍從象山城守營調遣

康熙二十一年起至雍正九年汛兵

前營原管湖頭渡哨船十隻內于康熙二十五年奉文裁減四隻撥歸定海鈔關巡查應用又于二十九年因海關巡船失水報銷一隻奉文再撥一隻歸海關應用實存六隻又於康熙三十六年奉文將撥歸海關船隻交還本營實存九隻又于雍正二年奉文裁減四隻撥鎮海城守水師營應用實存哨船四隻

後營於康熙二十三年奉文將原管應家棚千總

奉化縣志

卷之四

建置志

巡城

其

改撥守備一員兵三百名兼防楊村石盆馬頭

三汛內瞭臺三座瞭篷一座烟墩四處

分防縣城千把總一員一年輪換馬步戰守兵一百三

十五名防守四門各口趾

分防新驛汛千把總一員一年輪換馬步戰守兵五十

名

雍正九年以後汛兵

分防應家棚等處兵五十名

分防新驛各汛千把總一員兵五十名

分防縣城千把總一員

已上汎地寨地塔山城連山驛及臺所并設員設兵之處井井有條皆所爲防於未然者也我聖朝德威遠播海隅日出之國罔不重譯來庭而立法猶因時以制宜其鞏固于金湯而奠億萬年之不基者規模洵宏遠矣

沿海路程

自柵墟嶺起至鄞界火爬嶺共一百二十里

公署

奉化縣志

卷之四

建置志

公署

七

察院 縣東舊爲按察司分巡之所按舊志地本倉基又爲縣尉廳洪武十二年設奉定分司縣丞趙德順建十四年令高仲達增置十五年改爲按察分司嘉靖間令錢璠建布按分司于學東此地竟名察院 正廳三間從屋各一間 後堂及東西廊各五間 廚房內門外門各三間 東西廣二十一 步 南北長六十一 步共地五畝三分三釐七毫

按察分司

在布政司右嘉靖元年令吳櫛以浙東

分巡久無行署易告成寺地環築爲牆建大門未就而去十三年令錢璠始創屋宇爲兩司駐節大門二門各三間正廳及廂房各三間後堂及廂房各三間本司址東西闊一十七步五分南北長四十二步共地三畝六釐二毫

布政分司 縣東一里舊三皇廟洪武初廢革宣德十年開設縣丞黃甯創建嘉靖十四年署縣事通判張源令錢璠重脩 制與按察司同 本司址東西闊三十五步南北長六十一一步共地六畝四分七釐四毫

奉化縣志

卷之四

建置志

公署

三

分七釐四毫

連山驛署 縣東三百步唐名剡源驛在大溪東宋

燬咸淳三年葉夢鼎鎮明州建奉川驛元因之有戴表元劉仁本記至明洪武十二年重建改今名嘉靖十三年令錢璠將告成寺地徙置社學于東偏而改創爲驛大門三間正廳五間左右廂房六間後堂六間今久圯改添倉屋 本驛地東西前

闊一十四步後闊一十步五分南北長三十一步四分共地一畝六分二釐戴表元奉川驛記浙江

東行數百里將窮而爲海也其州曰明州之海益東而南行數十里江之支流亦窮而山興焉其爲縣曰奉化奉化包山根江而掖海其形望于明州雖最高而土壤峭瘠津塗阻艱行者病之凡西人之捨水而欲東東人之辭陸而欲西至者皆失其便故濱浙之塗通置船官騎廐而奉化無有予按地志奉化在秦漢初蓋介于百越甌閩之交當先王統一盛時政役之所不加王人使客之所罕至其館置疏闊非意固略之勢有不可得而設也然

奉化縣志

卷之四

建置志

八公署

三

自近世事繁難概于古前涖縣者嘗屢創驛隨作而隨廢會有聘問發召期集之事節傳猝至則寓諸民廬喧隘擾雜客主交愧焉今令襄賁丁侯濟之來喟然嘆曰是不可久且每至而煩民吾何安焉乃相土度材得廢址之在官者成屋之嘗規爲驛者于民廬之東崇拓而增營之風雨蒿萊之場塵煤螢燐之區忽焉而垣門具軒寢立先是主簿李君大用實倡其畫及是二丞王君澤白君龍志同義諧功用大集計屋之楹至于百五十計工至

于八百計日至于七十而官與民俱不知其勞起
事于季秋庚戌訖功于仲冬己未驛成因其故名
名之曰奉川曰吾已存國俗名其堂曰德星曰吾
以賓賢德噫嘻美乎哉于是縣人樂侯之成嘉侯
之勤者相與過余而謀曰茲事子不可以無紀余
維侯之可紀者衆以余之爲民于茲邑自侯下車
見其當兵燬之餘日夜與其同僚彌完缺敝振理
頽廢昔之撤墻夷竈而逋亡者今皆歸尋其廬有
居處之樂而侯之所興築若廟學亭治賦陂之局

奉化縣志

卷之四

建置志

公署

三

榮社之壇蔽獄之戶諸如此類何可枚數而專美
一驛乎哉顧侯之通明廉愛無一役不矜乎民凡
以圖其久安而除其害有古循吏之風則吾父兄
子弟宜不可以泯滅不著夫紀當世賢大夫之功
行而推考其里俗山川風土之盛衰興廢此儒者
之職也余不敢辭遂以爲記記之當驛成之明年
是爲至元二十九年歲在壬辰後六月望

驛丞衙

在驛堂左寢室三間廊房三間本衙地東
西闊一十步南北長一十九步東至按察司西至

告成寺地南至大路北至告成寺田共地二畝六分四釐屋廢址存 造舟楫爲站船以通往來水夫四十六名鋪夫一十名鋪陳一十副每五年鋪戶領價製造一十副送縣印發爲上房其前五年者改爲下房新舊共二十副

西店驛 縣南六十里接台州甯海縣境明洪武中信國公湯和巡海過此因連山驛與白嶠驛相距一百三十里迎送爲難二十年增置 樓門三間中門一座前廳三間後堂三間各清意軒廊房各

奉化縣志

卷之四

建置志

公署

三

三間驛丞衙在正廳右 鋪夫八名水夫四十一名鋪陳五副製造與連山驛同新舊共一十副久圯

亭館鋪遞

登陸亭 縣東三里市南門宋嘉定間令馮多福創建有記今廢

接官亭 在慶登橋東舊北五里各迎恩亭正統間令周銓建架樓絙以垣設門守之嘉靖中令錢璠徙今址其地東西周八步南北長九步共地三分

今爲關聖殿

省方亭 縣北錦屏山頂嘉靖丁酉令錢璠建錢德

洪爲記今圯

煮石亭 日嶺巖下令錢璠建

金鐘館 縣東北一十里宋咸淳中叅政葉夢鼎鎮

明州建今無

各部旌善申明亭

舊制里老判一方事猶古之亭長也設亭以居
之每亭闊一十一步五分深六步三分世遠亭

奉化縣志

卷之四

建置志

公署

三

圯不詳其處今述其可考者于左

井亭 縣東一十里屬二都

小晦亭 縣西五十里在四十七都單仲友有記

塔亭 縣北二十里在三十七都

鮎埼亭 縣南五十里屬十八都 俱圯

急遞舖

舖遞之設便檄書也所謂置郵傳命十里爲率
晝夜不停共設司兵四十一名皆有稍食

總舖 在縣前司兵五名

金鐘鋪 縣北一十里在一都

南渡鋪 縣北二十里在三十六都

陳橋鋪 縣北三十里在三十五都

常浦鋪 縣北四十里在三十五都

龍潭鋪 今廢已上四鋪各司兵四名

尙田鋪 縣南一十里在十三都

雙溪鋪 縣南二十里在十五都

方門鋪 縣南三十里在十五都

山隍鋪 縣南四十里在十六都

奉化縣志

卷之四

建置志

公署

三

珊瑚鋪 縣南六十里在十六都以上五鋪各司兵

四名

倉儲

永濟倉 在縣東三百步連山驛基雍正七年邑令

王緯建四十六間乾隆二十年令陳滋詳請增建

二十間

常平倉 在縣署東雍正九年令王緯建乾隆二十

年令陳滋詳請增建二十間

舊載存留倉 預備倉 東倉 西倉 南倉 北倉

俱廢

舊志夫儲備者預凶荒也古之耕者自三年之積以至三十年之通雖歲不登民無菜色常平始于漢社倉始于隋胡敬仲論之詳焉宋社倉之法行于子朱子然天下郡縣豈能必如晦翁者主之于上如劉愚父子者爲之助也哉此子朱子所以有私計害公甚于官府之言也明正統間令龔敬善勸民出穀備荒至有二千石之上者通得十餘萬石輸之于官爲立義門鑄出穀者之姓名祭酒陳敬宗記之當是時受敕旌名大書之以勸粟紅因陳者

奉化縣志

卷之四

建置志

公署

三

義民

王文琳

王景莊

馬志善

俞汝濟

蔣 瓚

曹思聰

蔣彥清

竺辰正

虞自象

莊惟售

李 稷

夏道四

張密中

盛亞鐵

田辰驥

王亞庄

周子滿

王公才

竺汝錡

徒仲潭

胡成宗

徐百信

虞尹宗

董宗達

馬汶輕

陳 珠

郭彥成

陳 襄

王 佛

仇彥愷 梁乾順 胡得逮 張汝平 王汝還
莊文溢

冠帶 余希哲 程 琬 陳良銓 王 琰

江 効 柳 璞 竺大炯 王元濂 周 浩

沈 銓 胡 森 李 楷 張 榮 馬 鈿

何 鏞 董宗洋 李 璇 嚴一道 周 樟

李 璧 宋 佐 楊 涇 陳福洪 康 鎰

孫 瑾 滕 懷 陳永琦 陳 淑 袁 十

李 檜 胡 惠 蔣仕一 王 說 王世榮

奉化縣志

卷之四

建置志

公署

三

袁 均 張 義 俞文聰 李平土 陳 義

原 瑗

旌門 方德初 張廣海 阮伯二 王仕榮

陳清四 孫彥文 田辰騃 陳惟鏞

立石 李 書 戴 協 傅八九 王儒富

顧守禮 江 綵

稅課局 宋時置稅務明洪武元年置稅課局隨廢

商稅仍隸于縣

醫學 陰陽學 僧會司 道會司

已上諸司學等原不制祿無署

養濟院 縣東北五里洪武間建久廢重建正屋三間東西廂房六間乾隆二十八年洪水冲坍正屋惠民藥局 洪武初譙樓東置屋三間後改爲旌善亭正統間縣丞何子隆重建于告成寺後成化間令曹瀾徙建察院前前後屋各一間嘉靖中令錢璠改爲樓伺候上官時假息于此扁曰枳棲今廢漏澤園 縣東北一十里在一都宋崇甯三年詔諸州縣擇高曠不毛之地置漏澤園凡寺觀寄畱櫛

奉化縣志

卷之四

建置志

公署

三

積之無主者及暴露遺骸悉瘞其中

義塚 縣南二里嘉靖中令陳縞得地于寶化山西麓凡死無葬地者皆瘞于此又康熙八年邑人嘉禾令李國標募建義塚于縣東五里岳林寺左圍以土墻立石路側

舊志養濟院惠民局者所以濟生人之貧病無告者也漏澤園義塚者所以及死人之暴露無主者也古之爲民上者掩骼埋胔而况鳩形鵠面者乎遠近流殍且爲拯救而况隸在輿版將呼父母者

乎亦足以起民胞物與之深心矣
橋梁

王制水涸有令徒輿以成古者使星入境必視其津梁修整以觀時政之善而好義者每多脩舉焉奉化負山為邑長江大河縈亘其間東西南北商旅往來而使臨涯增歎有廢然返耳即山溪間阻村落崎嶇而遇險途窮亂流病涉生乎其間者亦所當究心也是故險由地設利濟由人其詳志之

奉化縣志

卷之四

建置志

橋梁

三

嘉惠橋 縣治南舊名縣橋俗名杜家橋宋太平興國二年建宣和中令周因立亭于上建炎間燬延祐中知州馬稱德重建亭今廢

洗馬橋 縣南城下又名澄清橋

王家堂橋 縣南一里康熙二十年里人嚴升甫李式文同僧明鏡修

顏婆橋 縣南二里跨南溪上水出枯桐坑

歲穰橋 縣南三里洪武中縣丞馬鑒疊石為洞橋

慶登橋 縣城東南宋元嘉中令謝鳳建又名謝鳳

橋又名東橋宋淳化二年重脩政和中令周因立亭其上名豐樂橋紹興中改今名咸熙中令劉應德增左右亭以翼之明嘉靖三十六年里人重脩易以樓明季樓圯

國朝順治十年令王奐砌石爲臺覆以屋供文昌其上翼以二亭今屋廢

會通橋 在會通磧上

新橋 跨縣溪上初爲石步或淋潦潮長不可涉宋嘉定中令馮多福壘石爲柱前銳後平以殺水勢

奉化縣志

卷之四

建置志

橋梁

四

覆以石板往來始便今潮至金鐘鑿而止未嘗及此也

夢筆橋 在棠溪明宏治年建汪綸有記

惠政橋 縣東三里一名善勝橋又名通剡橋宋乾道中建後壞大觀中架木爲梁覆以屋改今名建炎中燬于兵令杜綰仍結木橋紹興初令趙于瑤重建有記七年燬令榮彝重建後鄉士汪伋議易以石與弟份首捐錢五百萬邑人和之又千餘萬令錢光祖經其始趙彥綰繼之下爲雙洞上有小

洞以洩怒水兩旁護以石欄嘉定中令馮多福以石甃兩堤及下木樅亂石以窒于底明成化中崩正德七年令陶麟令僧募建上覆以屋崇禎間壞令胡夢泰捐俸募建鄉紳王國甯助二百金以佐其成尋又毀 國朝康熙五年令張奎引延僧行純重建康熙五十一年水漲橋圯令韓維藩率衆捐脩楚澧彭祖訓有記乾隆十七年東塚圯重修舊于兩旁建房二十四間每年召租生息以充修葺之費三十一年置思源菴田八畝二分宋趙敦

奉化縣志

卷之四

建置志

橋梁

四

臨重建惠政橋記縣之水發源于連山鄉之鎮亭踰市而北達于鄞江有橋跨其上實爲交易往來之便舊榜之曰惠政建炎庚戌夏五月有卒然弄兵者井邑焚蕪于是橋亦殘于燎焉前令會稽杜公縮以剗殘之後不欲重勞百姓結木僅免病涉明年夏淫雨濡漲橋復壞死傷者數十人令尹趙公泣且言橋不時修令過也歎然不懌者累月邑之富人相謂曰此可愛吾財而不能成一橋以戚吾賢大夫翕然輸金釀財鳩工自仲秋之戊申卒

季冬之辛巳而橋成公從賓佐來觀勤苦父老相
視顏開咸謂惠政之名今不虛矣因屬余記其事
余曰公之天技之英屬處小邑能不鄙其民教以
禮法政移化服而相與弟長慈孝鼓之舞之陶成
善俗不既美與一橋之成顧何足言抑惟古之爲
政者徒杠輿梁必以時成過其縣橋梁郵亭之不
修則心知其不能今公惻怛愛民之意首見于此
橋宜父老所欲傳載以無忘公惠而小子亦不得
而辭也則爲之書趙公名于瑤字全義燕懿王之

奉化縣志

卷之四

建置志

橋梁

四

五世孫也紹興二年二月朔旦記元無名氏惠政
橋柱下詩鑿開蒼璧玉稜層疊作溪橋兩洞成影
落波心雙月合光含石眼一星明鰲頭近接東西
市鯨背平分南北程須信巨川從此濟區區溱洧
浪傳名

通濟橋 縣東四里俗名石灰橋在東市河上宋端
拱中建政和中構亭其上改今名建炎中亭毀

仁濟橋 縣東五里在新婦湖上名新婦湖橋又名
放生湖橋宋紹興中建覆以屋後圯邑人汪伋重

修元志名萬壽橋至元中毀大德中監州察罕立石柱重建未竟受代僧博繼成之洪武中屋圯

迎暉橋 縣東四里俗名東郭橋在坊隅

聞絃橋 縣東四里名大店橋

文昌橋 縣北二百步舊名元家橋先用木至正中

易以石正統中縣丞黃甯立石柱門侍郎宋琰題

扁成化中風雨門仆明宋旭文昌橋詩谷口長虹

跨紫衢滿溪花竹映郊居家傳司馬題橋筆世授

張良佐漢書巖屋秋風飛燕雀石潭春水化龍魚

奉化縣志

卷之四

建置志

橋梁

四

後人不墜斯文美長向榮禾照里閭

青錦橋 在青錦塘上成化中建萬厯間重修覆以

屋名岫雲橋俗名北關橋 國朝康熙四十年圯

乾隆二十八年重脩

壽溪橋 縣西北五里

義讓橋 縣西北八里又名和事橋

澄心橋 縣東北四里又名馬家橋

硯溪橋 縣東四里在硯溪上

司馬橋 縣東十里宣德間兵部主事舒孟完建後

壞嘉靖中儒學訓導毆陽忠助資倡建創屋其上
今屋圯

昌裕橋 縣東十五里俗名沈家庄橋

永康橋 縣東二十里

種善橋 縣東二十里俗名何老橋初架木爲橋易
壞明洪武九年縣丞喬鑑壘石爲洞嘉靖八年壞
縣丞鍾恕率里人重修康熙二十年壞又重建

文繡橋 縣東十二里俗名下郝上橋

餘澤橋 縣東十五里俗名下郝下橋

奉化縣志

卷之四

建置志

橋梁

四

王家匯橋 縣東十五里

廟山橋 縣東北二十里橋洞窄狹旱潦兼患乾隆
二十九年折脩洞寬二丈八尺

楊家橋 縣東北二十五里跨沈家庄下河路上

曙楊橋 縣東二十五里俗呼畫鵲衙橋

居敬橋 縣東三十二都舊名龜徑橋萬曆間重脩
朱太史之蕃書額 國朝康熙十一年重建乾隆

三年重建

姚家溪橋

謝家洞橋 俱縣東二十六都

蔡橋 縣東二十五里

鎮寶橋 縣東二十五里乾隆三年重脩

金溪橋 縣東五十里

白杜橋 縣東四十里

界牌橋 縣東四十里立石刊字鄞奉界

閻公橋 縣東二十七都

曹溪橋 縣東二十五都

陶溪橋 縣東二十二都

奉化縣志

卷之四

建置志

橋梁

四

松溪橋 縣東百里俗名四保橋

福慶橋 縣東百里

童郎橋 縣東南二十里

和義橋 縣東南二十里一各湖二郎橋

西溪橋 縣南七里跨西溪上初架木水漲輒壞後

邑人孫若思捐資易以石板不甚高復置田若干

畝為修葺計往來便之邑令黃霽西溪橋田記畧

治南五里許有西溪渡係驛站大路溪流湍急時

或瀑漲驚濤渡筏不無傾側之危因改渡而為橋

康熙辛未地之士民樂輸共建竟成鉅觀而釋氏
海雲實共襄厥事焉乃歲未一週而橋又衝塌嗣
是屢脩屢塌海雲知其不可久遂置田九畝零爲
橋田每歲租稅與工食令仔肩乃事者收領以爲
歲時修葺費庶免寒裳攝衣之累勒之石以垂永
遠雍正甲辰年仲春月記

報國寺橋 縣東南十里在報國寺南

童橋 縣東南九里

雙溪橋 縣南二十里跨雙溪上舊有石橋圯天啓

奉化縣志

卷之四

建置志

橋梁

四

間里人張有事重修

餘潤橋

大洞橋 俱縣南二十八里

名賢橋 縣南三十里舊名王學士橋

鎮安橋

慶豐橋 俱縣南三十里

深源橋 縣南二十四里一名鄭家橋

勞山橋 縣南三十七里

觀瀾橋 縣南二十八里舊名棟樹橋

輿梁橋 縣南四十里一名海坑橋

長清橋 縣南四十七里一名周鑑橋

會甯橋 縣南五十里

七洞橋

垂虹橋 俱縣南六十里

宋家橋 縣南六十里

鮑村橋 縣西南十五里黃馬潭尾鎮亭水出其下

水壽橋 縣西十五里舊名勝因橋乾隆二十二年

重修改今名

奉化縣志 卷之四 建置志 橋梁 四

慈林橋 縣西二十里上建屋三間明嘉靖中圯重

建又圯 國朝康熙六十年建今又圯

梯雲橋 縣西南七十里在石門內壘石為洞上覆

屋七間

文明橋 縣西二十五里在棠溪橋上覆屋十一間

鎮東橋 縣西五十五里

見義橋 縣西北三十五里成化間里人仇彥德建

錦鏡橋 雪竇寺南

杜曲橋

鹿門橋 俱縣北十里吏部戴澳建大學士張瑞圖
仁和黃汝亨題

廣濟橋 卽南渡橋初以舟渡宋建隆中僧師悟建
土橋邑人徐覃易以木皇祐中令王泌元豐中邑
人董昭紹興中主簿李肅凡三改建復圯紹興初
邑人汪伋以石甃兩崖立石柱布板爲梁覆之以
屋元至元中燬主簿盧震龍重建增屋數間翼以
南北二亭洪武中縣丞喬鑑修萬厯間燬天啓間
鄉紳何如禮重建後圯 國朝雍正九年令王緯

奉化縣志

卷之四

建置志

橋梁

四

重修有記

跨浦橋 縣北二十里元至元間造明崇禎間庠士
周上猷周士雍重修

文會橋 縣北二十里又名虹橋里人戴豸建

大埠石橋 縣北三十里舊各源泉橋又名泉口大
橋鄭復言重建泉溪大埠石橋記去縣治北二十
里有地曰泉谿接剡源九溪晦亭雪竇棠溪諸水
而會爲江散漫四十餘丈古無橋創自宋治平四
年縣令裴士堯記其事由宋及元屢修屢廢然皆

成于木構故洪水橫流易爲漂析行者病涉焉我
明肇元橋梁道路徧飭有司修治之里民以大埠
爲邑北形勝之地銅嶠亘其南英馬鎮其北剡曲
諸流出其下鄞奉之通濟新岷之往來舟可水浮
而陸行非橋何以濟乎相與白于官邑尹裴君居
允其請起工永樂辛卯之正月前之木構者易之
石工費浩繁弗克就緒而僧人逃去繼以春潦秋
霖過者多被墊溺之害庠士戴君邦彥竺君大錢
宣府千兵竺君大總鄉彥孫君惟堯輩各捐己資

奉化縣志

卷之四

建置志

橋梁

兗

盛召工役以集厥事里閭聞者莫不樂助工資遂
落成于壬辰之九月規模氣象煥立雄壯視前修
之功不啻十倍由是往來若履坦途靡不稱快邦
彥輩謂橋成而不刻石以誌諸久則後之興者無
由識其顛末適予守制家居而邦彥與先君有同
戰棘闈之雅予常以執友待之一日秉贄及門索
予爲記昔子產以乘輿濟人孟子譏其不知政諸
葛之治蜀橋梁溷廁無不修舉夫橋梁所以利濟
也今諸君倡之邑侯裴君成之可謂知所先矣古

之君子一夫不被其澤以爲己病宜乎留心于此也吾喜夫人之不病于涉而重戴君之請爲書其事時永樂十年壬辰秋九月望後三日

光德橋 縣北二十里俗名江口橋長二十三丈廣

二丈唐同光二年縣丞童義建宋里人李珂修紹興三年李氏重修汪伋贊其役通水九道上覆以屋二十六楹王時會記元至元間燬十九年李以屋等立石重建仍蓋屋二十一間明洪武中重修正統中知府陸琦命道人李存誠建正德末壞于

奉化縣志

卷之四

建置志

橋梁

三

風里人重修

橫路橋 縣北二十里順治間胡坂庠生胡雲英者

民胡宇明重建

壽通橋 縣北二十里正統中建俗名江口新橋

王激浦橋 縣北二十里康熙甲辰王氏修

進林礮橋 礮南

沈家橋 縣北二十里

鄞塘上下二橋 縣北二十五里地名鄞塘滙

鬪牛橋 縣北二十五里俗名激浦東橋元至正間

王嘉修

跨江橋 縣北二十五里成化初知府張瓚命李存誠募建凡二十四洞俗名徐家渡橋北接鄞境橋旁建菴

山隍橋 縣北二十五里

吳家店橋 縣北三十四里

馬家橋 縣北三十五里

永豐橋 縣北六十里乾隆三十二年重修

古方橋 縣北四十里即古之常浦磯也湖衝磯壞

奉化縣志

卷之四

建置志

橋梁

五

易之以梁明成化中重修建屋其上嘉靖八年令陳縞復修萬厯間橋燬石壞邑令賴愈秀邑人鄔鳴雷捐修完固更名太平橋 國朝雍正四年左塚壞屋亦漸敝邑令魏大德再修邑人馬承宏馬殿彪馬謙益鄔夢卜徐殿章董其事分巡道孫詔首行捐俸佐以贖鍰提督陳共捐資助之經始于雍正四年落成于雍正七年事詳碑記中乾隆三十五年拆卸改建五洞俟臧工詳記于碑

雙慶橋 縣北四十里俗名常浦橋紹興中邑人汪

伋建

崇義橋 縣東北十二里

斯濟橋 縣東北十三里

昭遜橋 縣東北十五里 宋嘉泰間僧昭遜建因名

何家橋 縣東北十五里

遼化橋 縣東北二十五里

幽欄橋 縣東北三十里 俗名牛欄橋訛

聞鑑橋 縣東北三十里

魯婆橋 縣東北三十里

奉化縣志  卷之四 建置志 橋梁 五

斗門橋 縣東北四十里 接鄞境又名郡馬橋

